

永樂大典

卷一萬二百八十七

永樂大典

卷一〇二八七

永樂大典卷之一萬二百八十七 二紙

子 道家子書六

鷓冠子仙傳楚人當春秋戰國時隱居衣弊履穿以鷓為冠莫測其名氏者言道家事蓋其學出於黃老然其經營馳騁天下之志未始一日忘以足窺其萬一其書篇目曰博選詳見至曰著希詳希字曰夜行詳行字曰天則詳入字曰環流詳派字曰道端詳通字曰近迭詳迭字曰度萬詳萬字曰王鈇詳鈇字曰春鴻詳鴻字曰泰錄詳錄字曰世共詳共字曰備知詳知字曰兵政詳政字曰學問詳問字漢志鷓冠子一篇楚人居深山以鷓為冠師古曰以鷓為羽為冠隋志鷓冠子三卷楚之隱人玉海鷓冠子漢志道家一篇楚人居深山以鷓為冠隋志三卷古曰川楚之隱人韓愈謂其詞雜黃老刑名柳宗元以為好事者偽為其書晁氏志著書十五篇論三才變通古今治亂之道三卷今本博選至學問分為四卷宋陸佃陶山集鷓冠子序陸子曰鷓冠子楚人也居於深山以鷓為冠號曰鷓冠子其道躡駘著書初本黃老而未流迪於刑名傳曰

永樂大典卷一萬二百八十七

申 為名實切事情其極慘微少思而原於道德之意蓋學之弊有如此者也故曰孔墨之後儒分為八墨雖為三嗚呼可不慎哉此書雖雜黃老刑名而要其宿時若散亂而無家者然其奇言奧旨亦每每而有也自博選篇至武靈王問凡十有九篇而退之讀此云有六篇者非全書也今其書雖具在然文字脫謬不可考者多矣語曰書三寫魚成魯帝成帝豈虛言哉余竊聞之故為釋其可知者而其不可考者輒疑焉以俟博洽君子文獻通考鷓冠子八卷晁氏曰班固載鷓冠子楚人居深山以鷓羽為冠著書一篇因以名之至唐韓愈稱愛其博選學問篇而柳宗元以其多取賈誼鵬賦非斥之按四庫書目鷓冠子三十六篇與愈合已非漢志之舊今書乃八卷前三卷十三篇與今所傳墨子書同中三卷十九篇愈所稱兩卷皆在宋元非之者篇名世兵亦在後兩卷有十九論多稱引漢以後事皆後人雜亂附益之今削去前後五卷止存十九篇庶得其真其詞雜黃老刑名意皆淺鄙宗元之評蓋不誣周氏洪筆曰韓文讀鷓冠子僅表出首篇四積五至末章一壺千金蓋此外文勢闕自不足錄柳子厚則斷然以為非矣按王鈇篇所載全用楚制又似非賈誼後所為先王比問起教鄉遂達才道廣法寬尊上帥下君師之義然也今自五長里有司

扁長柳師縣番夫。郡大夫。逐相傳告。以及柱國令。然勳輒有誅。柱國滅  
 門令尹斬首。舉國上下相持如束濕。而三事六官亦皆非所取。通與編氓  
 用三尺法。比何典也。處士山林談道可也。乃妄論王政。何哉。陳氏曰。陸  
 佃解今書十九篇。韓吏部稱十有六篇。故陸謂其非全。韓公頗道其書。而  
 柳以盡鄙淺言。自今攷之。柳說為長。崇文總目今書十五篇。述三才變  
 通古今治亂之道。唐世嘗辯此書。後出。非古所謂鵠冠子者。唐韓昌黎集  
 讀鵠冠子。鵠音鳥。楚人。居深山。以鵠鳥羽為冠。口鵠冠子。班固曰。道家  
 者。鵠冠子十有九篇。其詞雜黃老刑名。九方作六云。今鵠冠子曰。博選至  
 武靈王問。此十九篇。此只云十六篇。未詳。今按方蓋不見。或本已作九  
 也。或無雜字。非是。其博選篇。四指五至之說。當矣。使其人遇時。援其道而  
 施於國家。功德豈少哉。至或作室。通下或有其字。功上或有其字。學問篇  
 稱賤生於無所用。中流夫船。一壺而推重。飲也。國語云。苦飲不才。共濟而  
 已。注云。佩能以渡水。千金者。余三讀其辭。而悲之。文字脫謬。為之正。三  
 十有五字。乙者三。滅者二十有二。注十有二字云。重。或作孰。音義同。滅。方  
 作滅。注下或有者。柳宗元集辨鵠冠子。重云。鵠音鳥。楚人。居深山。以鵠鳥  
 羽為冠。鵠似雞。余讀實誼鵠賦。嘉其詞。而學者以為盡出鵠冠子。鵠冠

永樂大典卷萬二百六十七

子。上九篇。論三才變通古今治亂之道。其世兵篇。頭與鵠賦相亂。余往來  
 京師。求鵠冠子。無所見。至長沙。始得其書。讀之。盡鄙淺言也。唯誼所引用  
 為美。餘無可者。吾意好事偽為其書。反用鵠賦以文飾之。非誼有所取之  
 次也。太史公伯夷列傳。稱賈子曰。貪夫殉財。烈士殉名。奪者死。權不稱鵠  
 冠子。遷就為博極群書。假令當時有其書。遷豈不見耶。假令真有鵠冠子  
 書。亦必不取鵠賦以充入之者。何以知其然耶。曰。不類。高績古子畧。鵠冠  
 子。春秋戰國間。人才之偉且多。有不可勝者。不得其時。不得其位。不得  
 其志。退而藏之。山谷林莽之間。無所泄其謀慮。智勇大抵見之。論者然其  
 經營馳騁天下之志。未始一日忘。而其志亦可窺見。其萬一者矣。是以功  
 名之念。有以休其心。利害之機。有以傷其慮。而特立獨行之操。不足以盡  
 沈見聞之陋也。是其為書。不出於黃老。則雜於刑名。是蓋非一鵠冠子而  
 已也。柳子厚讀實誼鵠賦。嘉其詞。而學者以為盡出鵠冠子。得其書。讀之  
 殊為鄙淺。唯誼所引用者。為甚美。餘無可言者。列仙傳曰。鵠冠子。楚人。德  
 居衣弊履穿。以鵠為冠。其測其名者。書言道家事。則蓋出於黃老矣。其書  
 有曰。小人事其君。務效其明。塞其聰。乘其威。以灼熱天下。天高而難追。有  
 福不可請。有禍不可違。其言如此。是蓋未能忘情於斯世者。至曰。鳳鳥陽

之精。麒麟陰之精。萬民者德之精。嗚呼。亦神矣。黃氏曰。抄鵠冠子。鵠冠子言之。害理者如曰。聖人晝夜行。其近理者如曰。當者觀其所予。貴者觀其所舉。賤者觀其所取。賤者觀其所與。及不殺降人之類。皆其間見一二耳。餘率晦澁詞繁。理寡。韓文公頗有取焉。何哉。嘗考其五至之說。見於首篇。始謂北面事君。則伯己者。至。詎猶諷吐。則徒隸者。至。是痛上之人不禮下也。中派失船之說。見於末篇。謂賤生於無用之。若中派失船一壺千金。是傷己之。不過時也。文公宜有感於其言者乎。然文公撮取此一二語之。餘十五篇。無留良矣。但已言其才之。自倍於己。鵠冠子十六篇。韓子悲其人之。不過鵠似鷄。以死。聞楚俗以飾冠。示武也。至今西班牙稱鷄弁云。柳文辨鵠冠子。謂盡鄙淺語也。唯賈誼鵠賦所引用為美。意好事者偽為其書。反取鵠賦以文飾之。非誼有所取之。太史公伯夷傳。稱賈子曰。貪夫徇財。云云。不稱鵠冠子。愚按所引皆當。雲谷雜記。鵠冠子。漢藝文志云。楚人居深山。以鵠為冠。既不知其名。又不知其為何時人。然其書時稱燕將劇辛。按。早趙人。周赧王三年。始自趙至燕。則鵠冠子當又在其後。不然則與之同時。書在唐十六篇。賈誼鵠賦。皆取之。唐初李善注文選。後多引用。以二書參訂。稍稍可讀。韓退之云。其博選篇四。稽五至之說。當矣。使其人

遇其時。後其道而施於國家。功德豈少哉。學問篇稱賤生於無所用。中派失船一壺千金者。余三讀其辭。而悲之。其見稱如此。而柳子厚以為言。盡鄙淺。唯賈誼鵠賦所引用為美。意好事者所為。反取鵠賦以文飾之。太史公伯夷列傳。稱賈子曰。貪夫徇財。列士殉名。奪者死。權不稱鵠冠子。遺號傳極詳。書。假令當時有其書。遺豈不見耶。子厚所見。與退之。大不同。子觀其世。兵篇有云。變化無窮。何可勝言。水激則悍。天激則遠。精神回薄。振蕩相轉。遲速止息。中必參互。同合消散。孰識其時。至人不遺。動與道俱。從強委命。與時往來。或衰或死。孰識其期。儼然至港。孰知其元。禍乎福之所倚。福乎禍之所伏。禍與福如糾纏。渾沌。錯分其若一。交解形狀。孰知其則。芴芴死貌。惟聖人而後能決其意。幹派遺徒。固無休息。終則有始。孰知其極。以上雖多為賈誼所采取。文辭奇古。與鵠賦自不同。子厚謂為偽書。若他篇固不得而知如此。篇恐後人筆力未易至此。子厚又以貪夫徇財之語。不為太史公所稱。按。弁士之殉名。貪夫之徇財。此自列子之辭。獨奪者死。權一語。見於鵠冠子。賈誼實合二書。以成文爾。太史公謂為賈子云。則可謂鵠冠子云。則非矣。蓋子厚一時亦不審上文。非鵠冠子語。遂致於誤。不士。均名。弁士。殉財。謂為列子之辭者。此子善注文選。所云。今列子中無此。

知姓名。嘗居深山。以鵠羽為冠。著書四卷。因以名之。其書述三才變通。古今治亂之道。而王錢篇所載楚制為詳。立言雖過乎嚴。要亦有激而云也。周氏譏其以廢士妄論王政。固不可哉。第其書晦澁。而後人又雜以鄙淺。言情者往往厭之。不復詳究其義。所謂天用四時。地用五行。天子執一以守中央。此亦黃老家之至言。使其人遇時。其成功必如韓愈所云。黃氏又謂韓愈獵取二語之外。餘無留良者。亦非知言也。士之好妄論人也如是。哉。陸佃解本十九篇。與晁氏削去前後五卷者。合于家所藏。但十五篇云。盜齊筆記老子曰。禍兮福所倚。福兮禍所伏。鵠冠子與賈誼鵠賦同作賦者。必蹈襲而柳河東云。鵠冠子用鵠賦。未知孰是。韓退之却取其文。沈明遠寓簡韓退之讀鵠冠子為是。正訛謬。數十字。云十有六篇。今其書乃十有八篇。不可考。鵠冠子者。楚人居山中。其著書本黃老。近刑名家。好論兵詞。首剽剽而切礪。使其得志。為政於一國。成功當不下公孫鞅。為禍亦恐未讓也。而愈謂使援其道。施之國家。功德宜少云者。吾弗信之矣。抑韓子好奇之過也。龐煖師事鵠冠子。而不傳其姓名。班固云。煖為燕將。師古音許遠切。豫章績志。南唐李建勳。罷相。出鎮豫章。一日遊西山。田舍有老叟。

永樂大典卷之四百八十七

四

教數村童公。勝于其廬。連食數梨。賓僚有曰。梨號五歲刀斧。不宜多食。叟笑曰。鵠冠子云。五歲刀斧。乃離別之離。非梨也。蓋離別成伐。胥懷有如刀斧。遂就架取小冊。以呈建勳。乃鵠冠子也。見惜文登。相山野錄。廣成子仙傳。在黃帝時。居於崆峒之山。黃帝即位二十九年。憂天下之不治。乃往見廣成子於崆峒。而問曰。聞子達於至道。吾欲取天地之精。以佐五穀。以養民人。又欲觀陰陽。以遂其群生。為之奈何。廣成子曰。而所問者。物之質也。所欲官者。物之殘也。自汝治天下。雲氣不待族。而雨。草木不待黃。而落。日月之光。亦以荒矣。而汝人之剪剪者。又莫足以語至道。黃帝退。捐天下。築特室。席白茅。順下風。膝行而進。再拜稽首。問曰。聞吾子達於至道。敢問治身奈何。而可以長久。廣成子感然而起曰。善哉。問乎。果。余將語汝。夫至道之精。首者冥冥。至道之樞。昏昏默默。無視無聽。抱神以靜。形將自止。必清必靜。毋勞汝形。毋擾汝精。少思寡慾。乃可長生。目無所見。耳無所聞。心無所知。神將守形。形乃長生。慎汝內。閉汝外。多知為敗。我為汝遂於大明之上矣。至彼至陽之原也。為汝入於窈冥之門矣。至彼至陰之原也。天地有官。陰陽有藏。謹守女身。物將自杜。我守其一。以處其和。故我脩身。身十二百歲。吾形未嘗衰也。黃帝再拜稽首曰。廣成子之謂天矣。廣成子

永樂大典

卷一〇二八七

又謂黃帝曰。余語汝。彼其物無窮。而民皆以為終。彼其物無測。而人皆以為極。得吾道者。上為皇。下為王。夫吾道者。上見光。而下為土。今夫百昌皆生於土。而反於土。故余將去汝。入無窮之門。以遊無極之野。吾與日月參光。吾與天地為常。乃授帝陰符經。久之。又命西王母授帝元始天尊玉像。帝置於高觀。以敬奉之。常有綠雲覆其上。故號為道觀。道觀之號。自此始也。又命帝陟王屋山。開石函。發玉笈。得九鼎神丹。飛雲噴火之道。帝遂鑄鼎荆山。鍊丹成服。之有雲龍來迎。帝乘龍上昇。時群臣侍女。同得昇天者七十有二人。其餘小臣不及上。手持龍鬚。攀隨黃帝。弓與鼎皆抱之。號曰世謂之鳥號之弓。臣民無所遺慕。遂取其遺物於巴山造墳以藏之。號曰陵。又於橋山莖其衣冠。號黃帝陵。鼎所隨處謂鼎湖焉。隋志廣成子十三卷。商洛公撰。張太衝注。疑近人作。唐志廣成子十二卷。商洛公撰。張太衝注。鄭樵通志廣成子十三卷。商洛撰。張太衝注。何璟注三卷。玉海廣成子志。隋志道家十三卷。唐志十二卷。商洛公撰。張太衝注。疑近人作。晁氏子解一卷。晁氏曰。皇朝蘇軾撰。取莊子中黃帝問道於廣成子一章為之。解景迂嘗難之。其序略曰。某晚珉先生薦賢中安敢與先生異論。然先生

永樂大典卷一〇二八七

五

生許我不苟同。翰墨具在。淮南鴻烈解詮言訓。能有天下者。必不失其國。能有其國者。必不喪其家。能治其家者。必不遺其身。能備其身者。必不忘其心。能原其心者。必不虧其性。能全其性者。必不惑於道。故廣成子曰。慎乎。而能內周閉而外。注廣成子黃帝時人也。多知為教。母視母聽。抱神以靜。形將自正。不得已。而能知彼者。未之有也。林和靖言行錄。廣成子說我守其一。以處其和。而千二百歲。其形未嘗衰。令人便望他千二百歲也。抱朴子地真篇。廣成子。黃帝過洞庭。從廣成子受自成之經。來劉後村詩。廣成子。不能戰。冰塵聯復。隱崆峒。揮手謝軒帝。母煩順下風。士成子仙傳。周隱君子也。自楚來見老君。曰。吾聞子大聖人也。吾故不解遠道而來。願見百舍。踵跡而不敢息。今吾觀子。非聖人也。鼠壤有餘。蘇而素妹。不仁也。生熟不盡於前。而積歛無涯。老君漠然不應。士成子退。明日復見。曰。昔者吾有刺於子。今吾言信。而心屈。直吾形而立矣。吾心正。卻何故耶。老君曰。夫巧習神聖之吾。自以為脫矣。昔者子呼我為牛。而我為之牛。呼我為馬。而我為之馬。苟有其實。人與之名。而弗受。則受其殃。吾服常服者。吾非以服有服也。於是士成子馬行。避影。履行遂進。而問修身奈何。老子曰。爾容崖然。而目衝然。而頰頰然。而口訥然。而狀義然。似繫馬而止。

也。動而持發也。若機察而審，習巧而觀於恭。九以為不信，近境有人為其石為痛，成子怒而退。

田子玉海田子。漢志道家二十五篇。名駢，齊人。游稷下，號天口駢。古氏。春秋作味，漢志田子二十五篇。名駢，齊人。游稷下，號天口駢。師古曰駢音步田反。

老成子。漢志老成子十八篇。胡氏致知編老成子，未知其姓氏。著書一十八篇。

長盧子。漢志長盧子九篇。楚人。

王狄子。漢志王狄子一篇。

宮孫子。漢志宮孫子二篇。師古曰宮孫，姓也。不知名。胡氏致知編宮孫子，姓宮孫，無名著書二篇。

抱朴子仙傳。姓葛名洪，字稚川，丹陽句容人。祖系吳大鴻臚。父佛，吳平入晉，為邵陵太守。洪少好學，家貧躬自伐薪以買紙墨，夜輒寫書誦習。遂以儒學知名。仙公列傳云：仙公謂從弟吏部郎英曰：吾門子弟，通才博學，馳譽朝庭。凡吾門者，出有之，弟未有。好道學仙者耳。但為懶父義，亦不火為名子也。吾升舉之後，當生吾輩，惟素道玄之子。振起仙舟，後果主稚川。

永樂大典卷一萬二百八十七

為性寡欲，不好榮利，閉門却掃，未嘗交遊。究覽典籍，尤好神仙導養之法。從祖玄，吳時學道得仙。號曰葛仙公，以其鍊丹秘術授弟子鄭隱。洪就隱學，悉得其法。為後師事南海太守鮑觀，亦內學。逆占將來，見洪深重之。以女妻洪。洪傳親業，兼綜練醫術。凡所著撰，皆精覈是非，而才章富贍。大安中，石冰作亂，吳興太守顧秘為義軍都督，與周圯等起兵討之。秘檄洪為將，兵都尉攻冰別率，破之。還伏波將軍。冰平，洪不論功賞。徑至洛陽，欲搜求異書，以廣其學。洪見天下已亂，欲避地南土。乃參廣州刺史益舍軍事，及舍遇害，遂停南土多年。征鎮檄命一無所就。後還鄉里，禮辭皆不赴。元帝為丞相，辟為掾，以平賊功，賜爵關內侯。咸和初，司徒王導召補州主簿。轉司徒掾，遷詣議參軍。于寶深相親，友薦洪才堪國史，遂為散騎常侍。領大著作。洪固辭不就。以年老，欲鍊丹，以祈遐壽。聞交趾出丹砂，求為勺漏。帝以洪資高，不許。洪曰：非欲為榮，以有丹耳。帝從之。洪遂將子姪俱行至廣州。刺史鄧徽留，不聽去。洪乃止。羅浮山鍊丹，徽表補東宮大守。又辭不就。徽乃以洪兄子望為記室參軍。在山積年，優游閑養。著述不輟。撰碑誄詩賦百卷，移檄章表三十卷，神仙良吏隱逸集異等傳各十卷。又抄五經史漢百家之言，方伎雜事三百一十卷，金匱藥方一百卷。肘後要急方

四卷。洪博聞深洽。江左絕倫。著述篇章。富於班馬。又精辨玄奧。析理深微。後忽與嶽疏云。當遠行存師。尅期便發。嶽得疏往別。而洪坐至日中。兀然若睡而卒。嶽至。遂不及見。時年八十一。視其顏色如生。體亦柔軟。舉尸入棺。甚輕如空衣。世以為尸解得仙云。其所著書二十卷。號抱朴子內篇。篇目曰暢玄。詳玄字。論仙。詳仙字。對俗。詳俗字。金丹。詳丹字。至理。詳理字。微旨。詳旨字。塞驛。詳驛字。釋滯。詳滯字。道意。詳意字。明本。詳本字。仙樂。詳樂字。辨問。詳問字。極言。詳言字。勤求。詳求字。雜應。詳應字。黃白。詳白字。登涉。詳涉字。第真。詳真字。邀覽。詳覽字。驅感。詳感字。抱朴子外篇目錄曰。嘉道。詳道字。逸民。詳民字。勸學。詳學字。崇教。詳教字。君道。詳君字。臣節。詳臣字。良規。詳規字。時難。詳時字。官理。詳官字。務正。詳正字。貴賢。詳賢字。任能。詳能字。欽士。詳士字。用刑。詳刑字。審舉。詳舉字。交際。詳交字。備闕。詳闕字。權才。詳才字。任命。詳命字。名實。詳名字。清鑒。詳鑒字。行品。詳行字。緝訟。詳訟字。酒誡。詳酒字。疾謬。詳謬字。譏惑。詳惑字。刻驕。詳驕字。百里。詳里字。接疏。詳疏字。鈞世。詳世字。省煩。詳煩字。尚博。詳博字。漢過。詳過字。吳失。詳吳字。守清。詳清字。安貧。詳貧字。仁明。詳仁字。博喻。詳喻字。廣譬。詳譬字。辭義。詳辭字。循奉。詳奉字。應朝。詳朝字。論敵。詳敵字。百家。詳家字。文行。詳文字。正

永樂大典卷一百一十七

郭詳郭字。彈備。詳備字。語鮑。詳鮑字。知止。詳止字。自叙。詳叙字。隋志。抱朴子葛洪撰。外內篇共五十一卷。鄭熊通志。抱朴子葛洪撰。內篇二十卷。外篇三十卷。玉海。抱朴子。隋志。道家抱朴子內篇二十一卷。音一。卷。葛洪撰。唐志。十卷。雜家外篇三十卷。梁有。五十一卷。唐志。二十卷。晉葛洪撰。內篇玄黃白。外篇駁雜通釋。內外一百六十一篇。號抱朴子。書目內篇二十卷。外篇五十卷。合內外篇。今存共七十卷。抱朴子內篇序。葛洪雅川作。洪體之超逸之才。偶好無為之業。假令奮翅。則能交厲玄霄。騁足則能追風躡景。猶故欲戰勁。翻於鷦鷯之群。咸逸跡於跛躄之伍。豈况大塊棄我。以尋常之短羽。造化假我。於至驚之蹇足。以自卜者。審不能者。止宜取力蒼蠅。而慕冲天之舉。策玻璃而追飛光之軌。飾嫫母之陋。覩求媒揚之美。徒唯沙磧之賤質。索千金於和肆哉。夫以焦僥之步。而企及蹻父之蹤。近才所以墮罔也。以要離之藏。而強赴扛鼎之契。或作勢慕人。所以斷筋也。是以望絕於榮華之徒。而志安乎窮否之域。藜藿有八珍之甘。而蓬華有藻枕之樂也。故權貴之家。雖咫尺弗從也。知道之士。雖艱遠必造也。考覽奇書。既不少矣。華多隱語。難可卒解。自非至精。不能尋究。自非篤勤。不能悉見也。道士淵博洽聞者寡。而意斷妄說者衆。至於時有好事者。欲

有所修為倉卒不知所從。而意之所疑又無可諮問。今為此書。粗舉長生之理。其至妙者。不得宣之於翰墨。蓋宸言較略。以示一隅。冀悱憤之徒。省之可以思過半矣。宜為暗塞。必能窮微暢達乎。聊論其所先舉耳。世儒徒知伏膺周孔。桂楛皆死。莫信神仙之事。謂為妖妄之說。見余此書。不特大笑之。又將謗毀真正。故不以合於世。余所著子書之數。而則為此一部。名曰內篇。凡二十卷。與外篇各起次第也。雖不足以藏名山石室。且欲緘之。金匱以示識者。其不可與言者。不令見也。貴使來世好長生者。有以擇其惑。豈求信於不信者乎。謹序。馬總意林。抱朴子四十卷。外篇二十卷。內篇二十卷。易洪子。惟川清醪。芳醴。亂性者也。紅葉素和。伐命者也。班狄不能削石作芒針。歐冶不能鑄鉞錫。作干將。漢中起居注云。李少君欲去武帝。夢與同登嵩高山。半道有使者乘龍持節從雲中來云。太一請少君。帝曰。少君將舍我去矣。數日而少君死。久之發者。唯衣冠在焉。以噉鼻之訣。損無價之溥鈞。分寸之瑕。棄盈尺之夜光。朱公所以鬱邑。薛灼所以永嘆。猶人不學仙也。道術乃令變形易貌。吞刀吐火。生在立亡。與雲起霧召。致蛇螫。聚合魚鱉入淵。不溺。蹴刃不傷。陳仲弓異聞記云。同郡人張廣。遭亂。有女四歲。不能行。棄家中。以數月。狼與之後。三年乃還。欲收莖之女。

宋樂大典卷一萬二百八十七

八

猶坐冢中。問其故。女曰。狼盡以後。見冢角有一物。申頭吞氣。乃效之。轉不復。既壽。有乃大龜也。女還。食飲初。小腹痛。久乃習之。湯師蜘蛛而結網。金天據九鴈以正時。唐堯見冥冥而知月。道能登虛躡影。飲玉醴。食草芝。彭祖云。天上多尊官。新仙者位卑。奉事非一也。農夫得形。弓驅馬南。或得袞衣。以負薪。猶世人得仙丹而不貴也。元君老君師也。世人唯鏡飛。蒼走黃。依榮逐利。上士得道。成天官。中士得道。棲崑崙。崑崙下士得道。長生世間。朱草莖如珊瑚。刻之汁流如血。以玉投汁中。丸之如泥。久即成水。以金投之。曰金漿。以上投之。曰玉醴。服之長生。石先生丹法。取烏未生毛者。以真丹和牛肉。鮓之。長毛羽。赤色。懸陰乾。服之。壽五百歲。素顏紅膚。感其目。清商流徽。亂其聽。比真理之德也。龍淵以靡。露常新。斧斤以日用。連弊。寸鱗泛濫。跡水之中。則謂天下無四海之廣。三蠅。疋轉果核之內。則謂天下無八極之大。漏脯救飢。醜酒止渴。非不斃。飽死亦及之。貴明珠而賤淵潭。愛和璧而惡荆山。不知淵潭是明珠所出。荆山是和璧所生。方今士有待次之滯官。無寶曠之職。景風起則表。鐘息世道。夷則奇士退。肉芝是萬歲蟾蜍。頭上有丹書八字。五月五日中午時取之。以足盪地。則水流帶之。左手則辟。共行山中。見小兒乘車馬。長七八寸。

永樂大典

卷一〇二八七

者肉芝也。服之得仙也。十歲蝙蝠白如雪。住則倒懸。腦重故也。十歲燕巢門向北。雲英雲珠雲液雲母雲沙。服之用玉水。成帝獵於終南山。見一人無衣。身生黑毛。合圍取之。絕坑踰岸。有如飛鳥。及得。是婦人。自云秦時宮人。頗東賊至。秦王出降。驚走入山。垂當飢死。有老翁。令食松實。遂不復飢。乃是秦王子嬰宮人。至成帝二百許歲。人將還。以穀食之。毛稍脫落。轉老而死。欲長生。服山精。山精木也。陵陽子仲服遠志二十年。有子三十七人。讀書不忘。得聖人是黃老世聖。是周孔二人。善園菴者。謂之基聖。故嚴子卿。馬綏明。有基聖人之名。彭祖自營佐堯。歷夏至殷。殷王遣宮女受房中之術。有驗。乃欲殺之。以絕其法。彭祖知之。乃逃。七十年。有人見於流沙。欲得長生。腹中清。欲得不死。腹無屎。里語云。人在世間。日夫一日。如牽牛羊。詣屠所。每進一步。去死轉近。老君姓李。名聃。字伯陽。長九尺。黃色。鳥喙。隆鼻。眉五寸。住金樓玉堂。鷄舌香。黃連乳汁。治目中百病。誘曰。無肥仙人。富道士。雖能作金銀。皆自資。誘曰。畜三鴈。魚成。曹帝成虎。亦如神符。今用少驗。白石似玉。姦佞似賢。鸞不掛網。解不墮筌。寸脈不能治。黃河之濁。尺水不能却。蒲丘之熱。穿舟以息。漏猛費以止沸。不可得也。若使素士行耕。以餬口。夜薪火以脩業。則游夏不足

永樂大典卷一〇二八七

九

多矣。大履既燒。取水於滄海。洪濤浚空。伐舟於長川。則不及矣。且猶手足履冰。執熱不得解焉。高巖將墮。非細縷所綴。龍門沸騰。非樹葉所遏。紉戟不長於絃。可以剗割牛馬。錐鑽不可剗割牛馬。而長於絃。鑽才。有大小。不可棄也。六軍如林。未必皆勇。仁者政之脂粉。刑者世之饜菜。當殺不殺。犬賊乃發。鎖端之火。口水可滅。鵝卵未乳。指掌可糜。及其來衝。颯。擊巨野。奮六翻。交朝霞。雖智勇不能制也。委壘英。而乘奔馬於險途。捨柁。而泛輕舟於江海。豈不險哉。金丹不能交陽侯之波。玉馬不任騁千里之跡。或輸自售之寶。或賣安人之書。或父兄貴顯。望門而辟命。或低頭。屈膝。積習而見收。語曰。舉秀才。不知書。察孝廉。父別居。寒素清白濁如泥。高第良將怯如蠅。語曰。古人欲達勤讀經。今世圖官免治生。余謂朋友之交。不宜浮飾。面而不心。楊雄所譏。明鏡舉則頌冠。見義和照則曲影。覺。周勃社稷之臣。不能吞錢殺之數。識。邱者必拾濁水之明珠。實。氣者必所穢。藪之芳蕙。自非懸壺。誰能披泥抽淪。玉。滙川。從沈珠。皆大者盤桓。以山崎。器小者蓬飛。而萍浮。直繩。柱木之所憎。清公。姦惡之所讎。文王。之接。呂望。桑陰未移。而知其可師矣。玄德之見孔明。晷景未改。而腹心以委矣。說。望。豐。俾者不必賢。形。氣。虺。狎者不必惡。伯喈。識。絕。音。之。器。於。咽。

墟之餘。平子別逸擊之竹於未用之前。威儀如龍虎。盤族成規矩。滿後體  
 輕耳熱。冠脫帶解。運重者運轉而波。徑。整肅者鹿勇而魚躍。口訥者皆孫  
 掌以諧聲。不競者皆得磨而高。棲。以九折同蟻封。以呂梁同牛跡。禁之彌  
 極。不可向也。若若畏酒如畏疾。憎醉如憎大病。則無荒沈之咎矣。民者有  
 穴地而釀酒。爨使酒者。法輕利重。安能令絕乎。管輅頌仰三斗而清。許綺察  
 楊雅酒不離口而太玄乃就。慕慈者如宵蟲之赴明燭。學惡者如輕埃之  
 應颺風。有斧無柯。無如之何。以傾倚在申者。妍媸以風格。端嚴者田  
 舍豈不惑也。窮巷諸生吟誦而向枯簡。耐劄而守黃卷。低眉屈膝趨事  
 豪貴。毛成翼。長蟬。坑泉。壤。目乃軒昂。此平碎之徒也。昔西施以心痛卧  
 於道側。鬪鬪芳芳。人皆美之。隣女慕焉。人皆憎之。猶世人效戴叔鸞阮嗣  
 宗也。運世所貴。則蹇。驢。象。龍。駁。之。價。孤。白。不。可。以。當。暑。龍。艘。不。可。以。乘。陸。  
 夫良將剛則法天。可望而不可干。柔則象淵。可觀而不可入。去如收電  
 可見而不可追。住如丘山。可觀而不可動。春以長矛在前。夏以大戟在  
 前。秋以弓弩在前。冬以刀楯在前。此軍四時應天法也。太公云。從孤擊  
 虛。萬人無餘。一女子當百丈夫。風鳴葉者。賊在十里。鳴條者。百里。搖枝  
 者。四百里。金器自鳴。及焦器鳴者。軍疲也。氣如驚鹿。敗軍氣也。雨露雷

永樂大典卷一萬二百八十七

十

衣裳者謂潤兵。不常衣裳者謂泣軍。軍兵太一玉帳之中不可攻也。兵  
 地主璧者宜速移。余嘗聞嵇生曰。左太冲張茂先可謂通人乎。君道答  
 曰。通人者。聖人之次也。其間無所復容。余聞班史云。呂氏望雲而知高祖  
 所在。天豈獨聞呂氏之目。而掩衆人之目耶。闕官無情。不得謂貞。倡獨不  
 飲。不可謂廉。文王食子。姜佯不知非甘也。董仲舒學見深。而天才純  
 以蜂蜂是龍神者。非但不識神龍。亦不識蜂蜂。王仲任撫班固背曰。此  
 兒必為天下知名。五嶺無冬。頊之木。南海晉安有九熟之稻。老君玉  
 策云。松脂入地。千年作茯苓。茯苓千年作琥珀。琥珀千年作石膽。石膽千  
 年作威喜。火鼓使鳴。絞絃令悲。實使鼓連。穿絃早絕。磨刀殺馬。立可驗  
 也。蜂蜂葉作蠟。水沫作浮石。落星烟謂吳時星落。汲冢書云。黃帝  
 仙去。其臣有夫微者。削木作黃帝之像。帥諸侯奉之。食鵠胎。令人能夜  
 書。河伯華陰人。以八月上庚日渡河溺死。天帝著作河伯。餓鬼。吳景帝有  
 疾。呂巫覡帝試之。乃殺鵠埋於苑中。架小屋施林帳。以婦人履著其前。巫  
 云。但見一白鵠。不見婦人也。帝乃重之。獼猴鬼。余友人膠水叔嘗養一  
 大獼猴。以鐵鍊鎖之於林間。犬豕殺經百日。許鬼見者云。水陸上有獼猴  
 被瘡流血。余從祖得道。能分形。座上有一葛公。與一談話。又一葛公迎

來送去余見二陸之文百卷許似未盡也。方之他人若江漢與黃河也。猛主云每讀二陸之文未嘗不廢卷而嘆。恐其卷盡也。陸子十篇誠謂伏書其辭富者雖精思不可損也。其理約者雖鴻筆不可益也。觀此二人宜徒儒雅之士文章之人也。抱朴子曰秦時不覺無鼻之醜。楊崔憎無腹之人。陸君深識文章放蕩不作虛誕之言。非不能也。陸君之文猶玄圃玉無非夜光。却後數百年若有幹跡如二陸猶比肩也。不謂踈矣。孔鄭之門耳。聽口受者皆已滅絕。唯託竹素者可謂世寶。竊鞍仁義。纓繅禮樂。余友人玄伯先生以儒墨作城池。以機神作干戈。上世之人。堅冰結而不寒。資量飽而不飢。類多則而後。眾則鳥亂。盈丈之尾必非。咫尺之軀。奔切之才必非。膚寸之口。稱衡常云。孔融可強。可與語。餘人酒飽飯囊。洪字稚川。丹陽句容人。其先葛天氏。洪累遭火。典籍盡。乃負笈徒步。借書抄寫。責新買紙。燃火披覽。所寫皆反覆有字。人少能讀之。性質容易。冠纓垢弊。或廣覆大帶。或促身備袖。或長裾曳地。或短不蔽膝。時人咸稱抱朴之士。因以著書名焉。洪貧無僕童。籬落不修。常披榛出門。排草入室。洪性不干犯官長。不煩擾親族。嵇君道作廣州刺史。表洪參軍。乃非所樂。利得避身於南地也。洪不圖恭。榜浦見人。傳奕了不觀之。洪年十五大作

詩賦。自謂可行於代。至弱冠。冠覽珠不稱意。一時毀之。抱朴子外篇目叙抱朴子者姓葛名洪。字稚川。丹陽句容人也。其先葛天氏。蓋古之有天下者也。後降為列國。因以為姓焉。洪曩祖為荊州刺史。王莽之篡。君取事國賊。棄官而歸。與東郡太守翟義共起兵。將以誅莽。為莽所敗。遇赦免禍。遂稱疾自絕於世。莽以君宗強。慮終有變。乃徙君於瑯琊。君之子清。廬起兵以佐光武。有大功。光武踐祚。以廬為車騎。又遣驃騎大將軍封下邳。僮縣侯。食邑五千戶。閉關。初侯之弟文。隨侯征討。屢有大捷。侯北上書。文為訟功。而官以文私從。兄行無軍名。遂不為論。侯曰。弟與我同冒矢石。瘡痍周身。傷失右眼。不得尺寸之報。吾乃重金累綈。何心以安。乃自表乞轉封於弟。書至上。請報。漢朝欲成君高義。改特聽焉。文辭不獲已。受爵。即弟為驃騎營。立宅舍於博望里。于今基兆石礎存焉。又以割租秩。以供奉。史士給如二君焉。驃騎殷勤止之。而不從。驃騎曰。此更煩役國人。何以為讓。乃託他行。遂南渡江。而家于句容。子弟躬耕。以典籍自娛。文果使奉迎驃騎。驃騎終不還。又令人守護博望宅舍。以冀驃騎之反。至于累世無居之者。洪祖父學無不涉。究測精微。文藝之高。一時莫倫。有經國史才。任吳。歷掌海鹽。臨安。山陰。三縣。入為吏部侍郎。御史中丞。廬陵太守。吏部尚書。太子少

傳中書大鴻臚侍中光祿勳輔吳將軍封吳壽縣侯洪父以孝友聞行為士表方冊所載罔不窮覽任吳五官郎中正建城南昌二縣令中書郎廷尉平中護軍拜會稽太守未辭而晉軍順河西境不守博簡東文經武之才朝野之譏然推君於是轉為五郡赴警大都督給親兵五千總統征軍戍邊疆場天之所壞人不能支故主欽若九有同賓君以改官赴除郎中稍遷至太中大夫歷位大中脫鄉令縣戶二萬舉州最治德化尤異思治刑清野有頌聲路無姦跡不佃公田越界如市杖耄之贈不入于門紙筆之用皆出私財刑厝而禁止不言而化行以疾去官發詔見用為吳王郎中今正色側遷進可替不舉善彈枉軍國肅雍遷郎令太守卒於官洪者君之第三子也主晚為二親所嬌鏡不早見督以書史年十有三而慈父見背戚夫庭訓飢寒困瘁躬執耕穡承星履屨密勿時襲又累遭兵火先人典藉蕩盡農隙之暇無所讀乃負笈徒步行僧又卒於一家少得金部之書益破功日伐薪賣之以給紙筆就營田園處以柴火寫書坐此之故不得早涉藝文常之紙每所寫反覆有字人動能讀也年十六始讀孝經論語詩易資之無以遠存師友孤陋寡聞明淺思短大義多所不通但貪廣覽於衆書乃無不暗誦稍持曾所披涉自正經諸史百家之言下至

短雜文章近萬卷既性聞善忘又少文意志不專所識者甚薄亦不免感而著述時猶得有所引用竟不成純儒不中為傳授之師其河雒圖緯一視便止不得留意也不喜星書及算術九宮三基太一飛符之屬了不從焉由其苦人而少氣味也晚學風角望氣三元遁甲六壬太一之法粗知其上又不研精亦計比筆率是為人用之事同出身情無急以此自勞役不如省子書之有益遂又廢焉案別錄藝文志衆有萬三千二百九十九卷而魏代已來群文滋長倍於往者乃自前所未見之多也江表書籍通同不具昔故詣京師索奇異而正值天亂半道而還每具歎恨今函近不惑素志衰頹但念損之又損為乎無為偶耕數澤苟存性命耳博涉之業於是日沮矣洪之為人而駭野性純口訥形貌醜陋而終不辨自矜飾也冠履垢弊衣或縷屨而或不恥焉俗之服用俄而屢改或忍廣領而大帶或身促而脩袖或長裾曳地或短不蔽脚洪其於守常不隨世變言則率實杜絕朝戲不得其人終日默然故邦人或稱之為抱朴之士是以洪著書因以自號為洪稟性危巖寡之多疾貧無車馬不堪徒行行亦性所不好又患弊俗捨本逐末交游過差故遂撫筆閉居守靜華門而無趨所之從至於權豪之徒雖在容跡而莫或相識焉衣不辟寒室不免漏食不充

# 永樂大典

卷一〇二八七

虛名不出戶不能憂也貧無僮僕蕭蕭落頰決荆棘叢於庭宇蓬蒿塞乎階  
窗披榛出門排草入室論者以為意遠忽近而不怒其乏役也不曉語以  
故初不修見官長至於吊大喪省困疾乃心欲自勉強令無不必至而居  
疾少健恒復不周每見譏責於論者洪引咎而不恤也意苟無餘而病使  
心違顧不媿已而已亦何理於人之不見亮乎唯明鑒之士乃知其信抱  
朴非以養高也世人多慕豫親之好推聞至之益洪以為知人甚未易上  
聖之所難淨雜之交口合神在無益有損雖不能如朱公叔一切絕之且  
必須清澄詳志乃履意焉又為此見憎者甚衆而不改也馳逐苟違側立  
勢門者又共疾洪之異於已而見疵毀謂洪為傲物輕俗而洪之為人信  
心而行毀譽皆之於不聞至愚近人或恃其所長而輕人所短洪泰為儒  
者之末每與人言常度其所知而論之不強引之以造彼所不聞也及與  
學士有所辨識每舉綱領若值惜短難解心家但粗說意之與向使足以  
發寤而已不致苦理使彼率不得自還也彼靜心者存詳而思之則多自  
覺而得之者為度不與言者雖或有問常辭以不知以免辭費之過也洪  
性深不好干煩官長自少及長魯救知己之抑者數人不得有言於在位  
者然其人皆不知洪之恤也不忍見其陷於非理遂自營之耳其餘雖親

永樂大典卷一萬二百八十七

十三

至者在事東勢與洪無惜者終不以片言半字少屢之也至於權用窮匱  
急合涉樂則換求朋類或見濟亦不讓也受人之施必皆久久漸有以報  
之不令覺也非類則不妄受其饋致為洪所食有旬日之儲則分以濟人  
之乏若珠日不足亦不割已也不為皎皎之細今不治之通之小廉村里  
九人之謂良守善者用時或膏酒餽候洪雖非儔匹亦不拒也後有以答  
之亦不登時也洪嘗謂史雲不食於昆弟華主治潔於昵客蓋邀名之偽  
行非廊廟之遠量也洪无疾無義之人不勤農桑之本業而慕非義之姦  
利提鄉論者則責選舉以取謝有威勢者則解符疏以索財或有罪人之  
賂或枉有理之家或為通逃之數而饗亡命之人或挾使民丁妨以公役  
或強收錢物以求賈價或占銅市肆奪百姓之利或割人田地劫孤弱之  
業恣恫官府之間以窺措趙之益內以誇妻妾外以吊名位其如此者不  
與交焉由是俗人憎洪疾已自然疏絕故巷無車馬之跡堂無異志之賓  
庭可設雀羅而机筵積塵焉洪自有識遂以將老口不及人之非不說人  
之私乃自然也雖僕豎有所短所羞之事不以戲之也未嘗論評人物  
之優劣不喜訶譏人交之好惡或為尊長所逼問辭不獲已其論人也則  
獨舉彼體中之勝事而已其論文也則撮其所得之佳者而不指摘其病

累。故無毀譽之惑。貴人時或問官史民甲乙何如其清高。則能者洪猶說其快事。其貪暴閹塞者。對以偶不識悉。洪由此頗見譏責。以顧護太多。不能明辯。或使是白區分。而洪終不敢改也。每見世人有好論人物者。比方倫匹。未必當允。而褒貶與奪。或失准格。見譽者自謂已公。未必信德也。見使者則恨之入骨。劇於血讐。洪益已為戒。遂不復言及士人矣。雖門宗子弟。其稱兩皆以付邦族。不為輕乎其價數也。或以譏洪。洪答曰。我身在我者也。法當易知。設令有人問我。使自比古人及同時。今我目求策。則我實不能自知。可與誰為匹也。况非我安可為取評定之耶。漢末俗弊。朋黨必部。許子將之徒。以口舌取戒。爭訟論議。門宗成讐。故汝南人士無復定價。而有月旦之評。魏武帝深亦疾之。欲取其首。爾乃奔波亡走。殆至屠滅。前鑒不遠。可以得師矣。且人之未易知也。雖父兄不比。蓋子弟也。同乎我者。遠是乎。異於我者。遠非乎。或有始無卒。唐亮公曰。仲尼季札皆有不全得之恨。無以近人。信其嗟嘆。皆見焚燭之明。而輕人評物。是皆責彼上聖。大賢乎。昔大安中。石冰作亂六州之地。柯鎮業辟違正黨。逆義軍大都督。邀洪為將。兵都尉累見敦迫。既桑梓恐虞。獨深憂大古人有急疾之義。又畏軍法。不敢任志。遂募合數百人。與諸軍旅進。曾攻賊之別將破之日。錢

宋樂大典卷一萬二百七十七

十四

帛山積。玃玩蔽地。諸軍莫不效兵。收拾財物。繼較連捷。洪獨約令所領。不得妄離行陣。士有悔得眾者。洪即斬之以徇。於是無敢委杖。而果有伏賊數百。出誘諸軍。諸軍悉發。無部隊。皆人為負重。無復戰心。遂致驚亂。死傷狼籍。殆欲不振。獨洪軍整齊。鼓吹無所損傷。以杖諸軍之大崩。洪有刀馬。後別戰斬賊小帥。多獲甲首。而獻捷幕府。於是大都督加洪伏波將軍。劍給布百匹。諸將多封閉之。或送還家。而洪分賜將士。及施知故之貧者。餘之十匹。又徑以市肉酤酒。以饗將吏。于時竊擅一日之美談焉。事平。洪授戈釋甲。徑詣洛陽。欲廣存異書。了不論戰功。竊慕魯連不受聊城之金。包胥不納存楚之賞。成功不處之義焉。正遇上國大亂。北道不通。而陳散又反於江東。歸塗隔塞。會有故人譙國極居道。見用為廣州刺史。乃表請洪為參軍。雖非所樂。然利可避地。於南故。詎勉就。高見遣先行。惟兵。居道於後。遇害。遂停廣州。頓為節將。見邀用。皆不就。永惟富貴。可以漸得。而不可頓合。其間肩肩亦足以勝人。且原位勢利。譬如寄客。既非常物。又其去不可得留也。隆隆者絕。赫赫者滅。有若春華。須臾凋落。得之不喜。失之安悲。悔吞百端。憂懼既戰。不可勝言。不足為也。且自度性為懶。而才至短。以萬嫌而御短才。雖命有屈膝。趨走風塵。猶必不辨。大致名位。而免患累。况

不能乎。未若備松喬之道。在我而已。不由於人焉。將登名山。服食養性。非有廢也。事不兼濟。自不絕。棄世務。則曷緣修習玄靜哉。且知之誠難。亦不得惜問。而與人議也。是以車馬之跡。不經貴世之城。片字之書。不交在位之家。又士林之中。雖不可出。而見遺之賔。意不能拒。妨人所作。不得專一。乃嘆曰。山林之中。無道也。而古之修道者。必入山林者。誠欲以遠。遠。謹。謹。使心不亂也。今將遂本志。委桑梓。適蒿蕪。以尋方平梁公之軌。先所作子書。內外篇。幸已用功夫。聊復撰次。以示將來云爾。洪年十五六時所作詩賦。雜文。當時自謂可行。至于弱冠。更詳省之。殊多不稱意。天才未必為增也。直所覽差廣。而覺妍媸之別。於是大有所製棄。十不存一。今除所作子書。但雜尚餘百所卷。猶未盡損益之理。而多慘憤。不遺。復料護之。他人文成。手便快意。余才鈍。思遲。實不能示。作文章。每一更字。輒自轉勝。但患嬾。又所作多不能數者之耳。洪年二十餘。乃計作細碎小文。妨棄功日。未若立一家之言。乃草創子書。會遇兵亂。流離播越。有所亡失。連在道路。不復校筆。十餘年。至建武中。乃定凡著內篇二十卷。外篇五十卷。碑頌詩賦百卷。軍書檄移章表箋記三十卷。又撰俗所不列者。為神仙傳十卷。又撰高上不仕者。為隱逸傳十卷。又抄五經七史百家之言。兵事方伎。短雜奇要。

三百一十卷。別有目錄。其內篇言神仙方藥。鬼怪變化。養生延年。攘邪却禍之事。屬道家。其外篇言人間得失。世事臧否。屬儒家。洪見魏文帝典。目自叙。未及。彈。慕。擊。劬。之事。有意於畧說。所知而實不數。少所便能。不可虛自稱揚。今將其言。所不闕焉。洪體純性。篤。寡。所玩好。自總髮垂髻。又擲瓦手搏。不及兒童之群。未嘗聞鷄鶩。走狗馬。見人博戲。了不自矜。或強牽引觀之。殊不入神。有若畫。是以至今不知。碁。局。上有幾道。博。滿。函。石。亦念此。軍。末。伎。亂。意。思。而。妨。日。月。在。位。有。損。政。事。儒。者。則。廢。講。誦。九。氏。則。忘。稼。穡。商。人。則。失。貝。財。至。於。勝。負。未。分。交。爭。都。市。心。熱。於。中。頽。然。於。外。石。之。為。樂。而。實。煎。悴。喪。廉。恥。之。操。興。爭。競。之。端。相。取。重。貨。容。結。怨。隙。昔。宋。閔。公。吳。太子。致。碎。首。之。禍。生。叛。亂。之。變。覆。滅。七。國。幾。傾。天。朝。作。戒。百。代。其。鑒。明。矣。每。觀。戲。者。慙。志。交。集。手。足。相。及。醜。詈。相。加。絕。交。疎。友。往。往。有。焉。然。不。在。大。亦。不。在。小。多。召。悔。委。不。足。為。也。仲。尼。雖。有。畫。履。之。戒。以。洪。較。之。洪。實。未。許。其。賢。於。畫。履。何。者。畫。履。但。無。益。而。未。有。怨。恨。之。憂。聞。訟。之。變。聖。者。猶。韋。編。三。絕。以。勤。經。業。九。才。近。人。安。得。無。備。惟。諸。戲。盡。不。如。示。一。尺。之。書。故。因。本。不。善。而。不。為。蓋。此。俗。人。所。親。焉。少。嘗。學。射。但。刀。少。不。能。挽。強。若。顏。高。之。弓。耳。意。為。射。既。在。六。藝。又。可。以。禦。寇。辟。胡。及。取。馬。獸。是。以。晉。之。晉。在。軍。旅。曾。

永樂大典

卷一〇二八七

手射退虜，應弦而倒，殺二賊一馬，遂以得免死。又嘗受刀楯，及單刀雙戟，皆有口訣要術，以待取人。乃有祕法，其巧入神。若以此道與不曉者對，便可以當金獨勝。所向無前矣。晚又學七尺杖術，可以入白刃。取大戟，然亦是不急之末學。知之譬如麟角鳳距，何必用之。此已往未之，或知洪少有定志，決不出身。每覽某許子州北人石戶二姜兩表法，真子龍之傳，嘗廢書前席。慕其為人，念精治五經著一節子書，令後世知其為文儒而已。後州郡及車騎大將軍辟，皆不就。薦名瑯琊王丞相府，首起義兵，賊平之後，了不修名。詣府論功，主者亦無賞報之冀。晉三應天順人，撥亂反正，結皇綱於垂絕，修宗廟之廢祀，念先朝之滯賞，並無報以勸來。洪隨例就使，廣寅詔書，賜爵閩中侯，食可容之邑二百戶。竊詔討賊，以救桑梓，勞不足錄。金紫之命，非其始願。本欲遠慕魯連，近引田疇，上書固辭，以遂微志。適有大例，同不見許。昔仲由讓應受之賜，而沮為吾醜。虜未夷，天下多事，國家方欲明賞，必罰以彰憲典。小子豈敢苟潔區區之懦志，而距弘通之大制。故遂息意，而恭承詔命。馬洪既著自叙之篇，或人難曰：昔王充平在耳順，道窮望絕，懼身名之偕滅，故自紀終局。先生以始立之盛，值乎有道之運，方將解申公之束帛，登枚生之蒲輪，權簿九五，絕聲昆吾，何憾於芳之不

揚而務老生之彼務。洪答曰：夫二儀獨遊而人居，若寓以朝菌之權，秀不移，而殄瘁類春華之暫榮。未改司而凋墜，雖飛颯之經霄，數電之乍照，未必速也。夫期頤猶斧星之騰炯，黃髮如教箭之過隙。况或未明而殞，蓬逆秋而零，瘁者哉。故項子有含德之嘆，揚鳥有夙折之哀。歷覽遠古，逸倫之士，或以文藝而龍躍，或以武功而虎踞。高勳著於盟府，德音被乎管絃。彤器雖沈，鏃於淵壤。美談飄飄，而日載。故雖千百代猶揚如也。余以庸陋，沉抑婆娑，用不合時。行於世，發音則響，與俗乖抗。足則跡與眾迂，內無金張之援，外乏彈冠之友。循塗雖坦，而足無騏驎。穴虛雖曠，而翼非大鵬。上不能鷹揚匡國，下無顯親垂名。名不寄於良史，聲不附于鐘鼎。故因著述之餘，而為自叙之篇。雖無補於窮達，亦賴將來之有述焉。黃氏日抄抱朴子：抱朴子其偽書，我不然。葛稚川何獨誤天下後世之愚不肖者耶。夫道即日用常行之理，不謂之理，而謂之道者，道者大路之稱，即其所易見。形其所難見，使知人之未有不由於理，亦猶人之未有不由於路。故謂理為道，而九黎然天地間人之所常行者，皆道矣。奈何世衰道微，橫議者作，創以恍惚竊真為道，若以道為別有一物，超出天地之外，使人謝絕生理，離形去智，終其身以求之，而終無得焉，吁可怪也。道固無所不在，而人

# 永樂大典

卷一〇二八七

則未必盡能合於道時則有備道之聖人作為君師而人道以立自義貴  
先舜以至於今第第相承以維持人道於不壞不泯皆聖人力矣奈何世  
表道微橫議者作創為真人至人之目反以聖人為未嘗聞道不知彼所  
謂真人至人者所生何時所行何事其姓名聲跡所載何書是持一時故  
為寓言而人猶或想像歆慕信以為真有其人焉吁可惟也然雖可惟要  
其所誤者不過世所指為過高之人心之妄想雖喜談虛無之道身之實  
用終不能自小吾聖人之道其何槁骸山林確守不移者萬不能一二亦  
不過生養休息於吾道遺露之內彼愚不肖者猶未為其所誤也誤天下  
後世之愚不肖者非抱朴子之書而誰耶抱朴子之言曰人皆可以不死  
世無不死之人則以龜鶴為證嗚呼龜鶴亦何嘗不死也天生萬類各得  
其得人之生也自晝作而夜息龜鶴之生也自陽動而陰蟄人之生也自  
以百歲為壽龜鶴之生也自以千歲為壽奈何人而欲強同龜鶴耶人之  
所以貴於天地間者以其能輔相天地宰制萬物耳如必與萬物殊較長  
短飛風已不若蜉蝣之微游水已不若魚蝦之細豈但壽不龜鶴之若而  
獨羨之耶人物之有死生即一氣之消息惟其有生而有死所以生主而  
不窮此亦何足異而必思長生以免之此既次無之理矣而考其所以長

永樂大典卷一〇二八七

十七

生之術乃充無理始之以導引申之以房中術終之以金丹大藥導引之  
說欲如胎息夫人生在胎以母之息為息胎亦何息之有及其既生則以  
天地之氣為息何能使之不息復如在胎時就使堅忍不息亦徒自苦寒  
暑推移時至亦終於死耳房中之術則謂必待口傳夫男女之欲陰陽之  
常順其陰陽之常而節其情欲之過所可言者不過如此必待口傳則鄙  
俚難形紙筆為可知是又使人縱於情慾以速其死耳金丹大藥則謂鍊  
他物為金成先以祀神香者必被殃咎祀神之數天二十斤河伯十二  
斤北斗太一各八斤日月并竈社五斤夫謂祀神則成仙將天神地祇可  
與之分贖乎不祀則受咎將天神地祇視苞苴之有無為禍福乎河伯之  
賂多於北斗太乙天神不若地祇乎日月之路僅與并竈等日月下同并  
竈乎狂謬無稽一至於此甚至謂黃白石而食之亦足延年吁果金銀玉  
石而可服也是尤違其死耳凡其長生之術無非速死之具而顧乃力主  
其說說說幾十萬言孔子為世帝王之師也以其不言長生則力排孔子  
莊子正其所主虛無之師也以其嘗言齊凡生則併排莊子甚至天地萬  
物之父母也以其為能制死生則又併排天地謂天地非萬物父母而壽  
夭之事不在天地嗚呼抱朴亦何必如是之費辭哉抱朴自謂此術左元

故傳之吾從祖仙翁仙翁傳之鄭君而鄭君又傳之抱朴使元放不死仙翁不死鄭君又不死抱朴自能與其徒又皆不死則聖賢自然成空言天地自然成長物今元放死仙翁死鄭君死抱朴亦身將老且死舉四海之眾歷百世之久皆未嘗見一長生者而徒一則曰長生二則曰長生吾誰欺欺天乎而徒使天下後世之愚不肖者用其導引之術以歛僮道傍流落乞丐用其房中之術以游蕩不檢縱慾傷生用其金丹黃白之術以燒煨假偽終無一成徒罄其祖父之田廬以至貧屢惡故曰抱朴子其偽書故不然葛稚川何獨誤天下後世之愚不肖者耶昔有古強自言已四千歲識堯舜孔子秦皇漢高有揚州稽使君信之嘗贈王卮古強昏老易忘一日謂稽使君曰此待之安期先生其誤遂敗尋客死壽春黃整家又五原有茶誕者水山不熱無以自解自謂成仙逃入異界源山中賣薪易衣食困劇自還結其家云為老君收龍龜奔山龍夫得謫而逃歷言所見竟益山家富貴人亦多信者又河東蒲坂有項秀都者學仙十年而歸給其家云謁天帝失儀而見斥河東遂號秀都為斥仙人洛中有道士忽自稱為古之仙人白和壽已七十八百歲人競趨之後忽不見未幾河北又有稱白和者洛之弟子趨往見之乃別一人其一人遂亡走九皆抱朴

永樂大典卷萬二百七

子所載謂彼之言仙者皆妄唯我之言仙者為真雖同浴機裸退不自思然亦足為世誡矣故併錄之韓流湖象日記抱朴子第一暢玄第二論仙第三對俗第四金丹則稚川之意者矣昧者止以為方伎之書是未知稚川者也大抵言近上則臆慕近下則易傳古之著書者多慮此只得放下說聖賢經書亦然葛稚川抱朴子避世之書也陶洪景真語亦此意司馬子微則全身隱為道士矣所以與賀知章為友千秋道士初入麗正書院者張季膺陶淵明又不必藉此矣尊醪果足嗜乎五斗折腰是殆類痴心之士奇哉葛稚川抱朴子泛濫極難者其間言養生煉氣度極不多皆要妙至切可舉而行如言行氣當於生氣之時極有理蓋子時以後為主氣平時以後為死氣如張平叔只道老子陰符為至緊急切當之書陰符之書未見有能以內事注之者如老子只河上公一二段猶能言玄牝是鼻口若其他言道理處不及王輔嗣及御注之屬高續古子畧抱朴子自陰符一鑿而天地之幾盡洩玄經一吐而陰陽之妙益空所謂道者非他只天地之奧陰陽之神而已神而明之可以質化育經範圍可以治國平天下可以脩身養性而致長年可以清淨輕虛而與之俱化予自少感於方外之說九丹經卦義秘笈幽篇以至吐納之香餐鍊之粹沉潛啓

某幾數百家靡不竭其精而曠其隱。破其鏡而遺乎中。猶未以為得也。於是棄去。日攻易。日讀繫辭。所謂天地之幾。陰陽之妙。相與柔齋之甄治之。而吾之道盡在是矣。所謂吾之道者。非他道也。吾自得之道矣。及問觀雅川弘景諸人所錄。及內外篇。則往往皆糟粕而筌蹄矣。今觀書此。以斷內外篇。則吾之道亦獲於鑿且吐矣。後之悟者。必有會於吾言。國朝宋濂文粹抱朴子。晉葛洪撰。洪字稚川。著內篇二十卷。言神仙黃白變化之事。外篇十卷。駁難通釋。洪深游方技家。言謂神仙決可學。學之無難。金丹砂黃金為藥而服之。即令人壽與天地相畢。乘雲駕龍。上下太清。其他雜引黃帝御文。及三皇內文。初召鬼神之事。皆誕妄不可訓。晉漢魏伯陽約周易。作參同契。上中下篇。其言備煉之術。甚具。洪乃時與之。度不識何也。洪嘗自言馬跡山中。受九鼎金液二經於鄭君。鄭君名隱。又得之葛仙公玄玄。洪從祖也。其後鄭君知江南。將龍負笈持藥。東投霍山。莫知所在。亦不識其仙歟否也。洪傳聞深洽。江左絕倫。為文辭雖不近古。紆徐蔚茂。旁引而曲證。必達己意。乃已。要之洪亦奇士。使食是而學六藝。夫孰樂之哉。惜也。胡氏致知編抱朴子。姓葛名洪。字稚川。丹陽句容人。好神仙導養術。晉咸和中。王導選為散騎常侍。固辭。乃乞為交趾。身漏令。三年蓋營丹砂。自

羅浮歸番易之東。煉丹功成。著內經二十卷。外篇十卷。一百十五篇。目號抱朴子。今鄙之銀峯。乃修煉處。丹井在焉。或觀其玄論。篇有曰。玄者自然之始祖。而萬殊之大宗。金石不能比其剛。湛露不能等其柔。方而不矩。圓而不規。采鳥莫見。注鳥莫追。乾之以高。坤之以卑。雲之以行。雨之以施。增之不益。挹之不匱。與之不榮。奪之不瘁。故玄之所在。其樂無窮。玄之所去。器弊神逝。復觀其學道篇。有曰。凡學道當階淺而涉深。由難以及易。志誠堅果。無往不濟。夫根莖不洞地。而求柯條于雲。淵源不泓澗。而求湯流千里者。未之有也。此蓋舉其言之繁也。即知其入矣。文獻通考抱朴子外篇十卷。晁氏曰。晉葛稚川撰。自號抱朴子。博聞深洽。江左絕倫。著書甚富。言黃白之事。名曰內篇。其餘外篇。晉書內外通有一百一十六篇。今世所傳者四十篇而已。外篇顯言君臣理國用刑之道。故附於雜家云。抱朴子內篇二十卷。晁氏曰。晉葛洪撰。洪字稚川。丹陽句容人。元帝時。累召不起。止羅浮山鍊丹。著書推明飛昇之道。導養之理。黃白之事。三十卷。二十卷名曰內篇。十卷名曰外篇。自號抱朴子。因以命書。陳氏曰。洪所著書內篇言神仙黃白變化之事。外篇駁難通釋。此二十卷者。內篇也。館閣書目有外篇五十卷。未見。晉史。揮塵葛洪傳。世儒徒知服膺周孔。莫

信神仙之書。不但大笑之。又將謗毀真正。故余所著子言黃白之事。名曰  
內篇。其餘駁雜通釋。名曰外篇。凡內外一百一十六篇。雖不足歲諸名山  
且欲緘之金匱。以示識者。自號抱朴子。因以名書。其所著金匱藥方一百  
卷。肘後要急方四卷。惠州府志晉葛稚川。丹陽句容人。以儒知名。惟慕欲  
無愛說。好神仙導養之法。後止羅浮山。鍊丹積年。養閑著書。號抱朴子。宋  
蘇東坡大全集和陶淵明讀山海經并引。淵明讀山海經十三首。其七  
首皆仙語。予讀抱朴子有所感。用其韻賦之。今日天始霜。果木飲以疎  
幽人掩關卧。明景翻空廬。閒心無良友。萬眼得奇書。運德有遺民。道遠我  
無車。無糧食自足。豈謂殺與蔬。愧比稚川翁。千載與我俱。蓋我與淵明。可  
作三士圖。學道雖恨晚。賦詩豈不如。稚川雖獨善。愛物均孔顏。欲使蟪  
蛄流。知有龜鶴年。辛勤破封執。苦語劇移山。博哉無窮利。千載食此言。  
淵明雖中壽。雅志仍升丘。遠矣無懷民。超然邈無倚。奇文出曠息。豈復生  
死流。我欲作九原。異世為三游。子政信奇逸。妙算窮陰陽。淮仙枕中訣。  
養鍊歲月長。豈伊具濁中。爭比頃刻光。安知青藜火。丈人非中黃。亂離  
棄弱女。破冢割恩障。寧知效龜息。三歲號窮山。長生定可學。當信仲子言。  
支牀竟不死。抱一無窮年。三山在咫尺。靈藥非草木。玄芝生太元。黃精

出長谷。仙都浩如海。豈不供一浴。何當從山火。東緼分寸燭。蜀士李八  
百穴居。吳山陰。默坐但形語。從者紛如林。其後有李寬。鷓鴣非同音。口耳  
固多偽。識真要在心。黃華育甘谷。靈根固深長。厥井窖丹砂。紅泉湧丹  
常。二女戲口鼻。松膏以為糧。聞此不能寐。起坐夜未央。談道鄙俗儒。遠  
自太史走。仲尼實不死。於聖亦何負。載文出吳宮。丹在木無有。遽然廣桑  
君獨頭。三季後。金丹不可成。安期渺雲海。誰為黃門妻。至道乃近在支  
解。竟不傳。化去空餘悔。丹成亦安用。御氣本無待。鄭君固多方。玄翁所  
親。積奇文二百字。了未出生死。素書在黃石。豈敢辭跪履。萬法等成壞。金  
丹差可待。古強本妄庸。蔡誕亦夸士。曼都斥仙人。謁帝輕舉止。學道未  
有得。自欺誰不爾。稚川亦隘人。疏錄此庸子。東坡信畸人。涉世真散才。  
仇池有歸路。羅浮豈徒來。踐蛇及如蠶。心空了無猜。攜手葛與陶。師故復  
歸哉。

唐子隋志唐子十卷。吳唐滂撰。子抄唐子十卷。滂字惠潤。玉海唐子。後  
漢方術傳。唐檀著書二十八篇。名唐子。隋志道家唐子十卷。吳唐滂撰。  
唐子同馬總意林。唐子一十卷。名滂字惠潤。主吳大元二年。舟循川則  
游。連人順路。則不迷。大木百尋。根積深也。蒼海萬仞。眾流成也。淵智連

原殘缺

# 永樂大典

卷一〇二八七

古天子道成冠以道成與出門不冠則不敢行行非與則  
長兄弟之節猶粵子

永樂大典卷一萬二百八十七

二十一

此在廣德惠彌快

祖譚云王者易輔伯者難佐

子武帝輕人命重

阮子子抄阮子四卷通志阮子政論五卷魏清河太守阮武撰為總意林  
阮子四卷。漁人張網於湖以刺吞舟之魚。明主張法於天下以制強梁  
之人。立法以隄民。百姓不能干立防以隄水。江河不能犯防而可犯則江  
河成災。法而可干則百姓成害。不樹者死無棺。不葺者身無帛。不績者  
凶無縗。君子暇豫則思義。小人暇豫則思邪。高鳥相木而集。習士擇  
山而翔。一盜不誅害在穿窬。修舉不誅害在詞主。

幽求子晉書杜夷傳夷所著幽求子二十篇行於世通志幽求子二十卷  
杜英撰明氏致知編幽求子 杜夷字行楷廬江人晉元帝時為國子祭  
酒著書十卷號幽求子玉海幽求子 晉儒林傳杜夷著幽求子十篇  
隋志道家杜氏幽求新書二十卷寶祐濡須志幽求子 晉杜夷字行  
齊潛人。操尚正素博覽經籍王敦舉為方正適於壽陽年四十餘始還鄉  
里教授生徒。尋以明冠又移渡江著幽求子二十篇

黔婁子漢志黔婁子四篇齊隱士守道不仕成王下之師古曰黔音其炎  
反下音胡稼反馬明叟寶窟錄黔婁先生備身清節不求進於諸侯著書  
四篇言道家之務號曰黔婁子馬士傳  
天隱子明氏致知編天隱子唐司馬子微著書八卷 宋氏辯曰天隱子

宋樂大典卷一百八十七

八篇不知何人所作唐司馬承禎為之序承禎字子微嘗著坐忘論此書  
言長生久視之法與之相表裏宣天隱即承禎歟洪興祖承禎得天隱之  
學宣或別有考歟文獻通考天隱子一卷 晁氏曰唐司馬子微為之序  
天隱子不知何許人著書八篇備鍊形氣養和心靈歸根契於陰陽遺照  
齋子莊叟始非人間所能力學者也王古以天隱子即子微也一本有三  
宮法附于後 陳氏曰司馬子微序言長生久視無出此書今觀其言殆  
與坐忘論相表裏宣天隱云者托之別號歟元吳萊淵頴集司馬子微天  
隱子注後序 司馬子微天隱子注一卷八篇天隱子亡其姓族邑里或  
曰子微托之者也夫黃老之說始自黃帝老子太史公老子列傳則稱其  
以自隱無名為務至其道乃曰無為自化清淨自正無他異也當漢初黃  
老盛行至武帝又好神仙文成五利之徒造誣誣之士神光巨跡千變  
百幻雖嘗一致獨山之祠欲追黃帝之遺風者獨不及老子神仙方技蓋  
又與道家慶歟東漢以來世之傳者方以天文卦候為內學而為天子公  
卿之所賞禮甚則自陷於鬼道左慈啓之葛玄紹之玄之後則有鄭君卿  
君之後則有葛洪葛洪之後則有陶弘景洪與弘景本儒者當天下多故  
欲自縱於方外遠民之間一傳而王遠知再傳而潘師正三傳而吳筠司

馬子微考其學。今天隱子之所述。已盡之矣。予觀天隱子冲澹而閑曠。虛  
觀而寡欲。黃老之遺論耳。然而龍虎鉛汞。抽添吐納之事。未之及也。宜或  
秘而不言歟。夫以老子之備道養壽。雖太史公猶不盡信。又况後世之迂  
誣。惟譎者。可必得而悉微之歟。自今道家而言。彼謂性宗傳者。則曰此心  
也。必主於覺。彼謂命宗傳者。則曰此氣也。必保其純。一天人。達性命。因其  
血肉口鼻之粗。而得與造化冥津。同入於無盡盡之妙。此古之人所以長  
生而不死者。豈或別有其術歟。不然。天隱子之學。亦止於是而已歟。或曰  
孔子嘗師老子。吾聖人蓋尸假者也。特以語恠而不言。故曰述而不作。敘  
而好古。竊比於我老彭。老則老。勝彭則彭。祖也。雖然。老子東周一柱下史  
耳。幽王時有伯陽父。顯王時有史儋。本是二人。且不與老子同時。老子固  
壽矣。太史公欲合伯陽父史儋為一人。且為老子。則亦疑弗能定也。彭祖  
本大彭氏。國陸終氏第三子。當堯時始封。又國語曰。大彭豳。則商滅之。  
注謂在武丁時。自堯至武丁。中興上下且七八百年。亦無緣大彭之國。自  
興至滅。止當彭祖一世。世之言彭祖壽者。吾又可得而必信之歟。蓋孔子  
所言老彭。自是商之賢大夫。不謂老聃。彭祖也。老子嘗問禮於彭祖者。竟  
何為耶。豈或果有養生之說耶。嗚呼。吾聖人未嘗言養生。然亦未嘗不養

生禮者。所以節其動容。周旋樂者。所以發於詠歌舞蹈。禮樂不可斯須去  
身。無非養也。固未嘗以養生言也。天地陰陽。闔闢在伸之變。亦何所不有。  
夫又何謂乎尸假矣哉。嗚呼。天隱子遠矣。吾將東往海上。廣桑而問焉。庶  
幾果有所遇。而必得之者耶。天隱子序上清十三代宗師。唐天師。貝一先  
生。可馬承禎述。神仙之道。以長生為本。長生之要。以養氣為先。夫氣受  
之於天地。和之於陰陽。陰陽神虛。謂之心。心主晝夜寤寐。謂之魄。魄如此  
人之身。大半不逮乎神仙之道。天隱子吾不知其何許人。昔書八篇。包括  
秘妙。殆非人間所能力學。觀夫修煉形氣。養和心虛。歸根契於伯陽。遺照  
齊於莊叟。長生久視。無出是書。承禎服習道風。惜乎世人。天促真壽。思欲  
傳之同志。使簡易而行。信哉。自伯陽而來。唯天隱子而已矣。謹序。神仙  
易簡 漸門 齋戒 安處 存想 坐忘 神解 沈摠後序 顏  
黃門學殊精博。比書雖解。質義直然。皆本之孝弟。推以事君上。履朋友。鄉  
黨之間。其跡要不悖六經。而旁貫百氏。至辯析援證。咸有根據。自當啓悟  
來世。不但可訓。思魯楚革而已。撥家有闕本。嘗苦篇中字。謬難讀。願無  
善本可讎。比去年春。來守天台郡。得故叅知政事。謝公家藏舊本。行間  
未墨細字。多所竄定。則其子景思手校也。迺與郡丞樓大防。取兩家本讀

下缺

重錄總校官侍郎 臣高拱

學士 臣胡士家

分校官侍讀 臣呂爰

書寫儒士 臣吳子像

國點監生 臣薛利

臣歐陽卿